

ПОСЛЕДОВАНИЕ СВЯТАГО КРЕЩЕНИЯ

Иерей: Благословѣн Бог наш всегда ныне и присно и во веки веков.

Хор: Аминь.

Диакон: Слава Тебѣ, Боже наш, слава Тебѣ.

Хор: Царю Небесный, / Утешителю, Душе истины, /
Иже везде Сый / и вся исполняй, / Сокровище благих /
и жизни Подателю, / прииди и вселися в ны, / и очисти
ны от всякия скверны, // и спаси, Блаже, души наша.

Чтец: Святыи Боже, Святыи Крепкий, Святыи Без-
смертный, помилуй нас (Трижды).

Слава Отцу и Сыну и Святому Духу, и ныне и присно и во
веки веков. Аминь.

Пресвятая Троице, помилуй нас; Господи, очисти грехи
наша, Владыко, прости беззакония наша; Святыи, посети и ис-
цели немощи наша, имени Твоего ради.

Господи помилуй (Трижды).

Слава Отцу и Сыну и Святому Духу, и ныне и присно и во
веки веков. Аминь.

Отче наш, Иже еси на Небесех! Да святится имя Твое, да
приидет Царствие Твое, да будет воля Твоя, яко на небеси, и на
земли. Хлеб наш насущный даждь нам днесь; и остави нам долги
наша, якоже и мы оставляем должником нашим; и не введи нас
во искушение, но избави нас от лукаваго.

Иерей: Яко Твое есть Царство, и сила, и слава, Отца и Сына
и Святого Духа, ныне и присно и во веки веков.

Хор: Аминь.

Также отпустительный тропарь дне или святого.

МОЛИТВЫ ЖЕНЕ В 40-й ДЕНЬ

Иерей: Гóсподу помóлимся.

Хор: Гóсподи, помíлуй.

Молитва

Гóсподи Бóже Вседержителю, О́тче Гóспода нáшего Иисúса Христá, все естество словéсное же и безсловéсное слóвом Твоím создáвший, и вся от не сýщих во éже бы́ти приведýй, Тебé мо́лимся, и Тебé прóсим: Твоею во́лею спасл ес́и рабú Твою, [имя рек] очíсти от всýакого грехá, и от всýакия сквёрны, приходя́щую ко святéй Твое́й Цéркви, да неосуждённо сподóбится причаст́иться святýх Тво́их Та́ин. И от не́я рождённое отрочá благословí, возраст́и, освят́и, вразумí, уцеломóдри, удобомóдрстви: я́ко Ты привёл ес́и е, и показáл ес́и ему́ свет чýствственный, да и умнаго сподóбится свёта, во вре́мя éже определíл ес́и, и сопричтётся свято́му Твоему́ ста́ду, единокóдным Твоím Сы́ном, с Нíмже благословён ес́и, с Пресвятým, и Благím, и Животворя́щим Твоím Дýхом, ны́не и прíсно, и во вéки векóв. АМÍНЬ.

Иерей: Мир всем.

Хор: И дýхови твоему́.

Иерей: Главý вáша Гóсподеви приклонíte.

Хор: Тебé, Гóсподи.

Молитва

Гóсподи Бóже наш, пришéдый на спасéние рóда челове́ческаго, прииди́ и на рабú Твою, [имя рек], и сподóби ю́ честным Твоím пресв́итерством, вхо́да хра́ма сла́вы Твое́я; омы́й ея́ сквёрну телéсную и сквёрну душéвную во исполнénии четы́редесяти дний, творя́й ю́ досто́йну и причащénия честна́го Тéла и Крóве Твое́я. Я́ко освят́ися и прослáвится пречестно́е и великолéпое íмя Твое́, со Отцём и Святым Дýхом, ны́не и прíсно, и во вéки векóв. АМÍНЬ.

Иерей: Гóсподу помóлимся.

Хор: Гóсподи, помíлуй.

Молитва

Господи Боже наш, в четыредесятный день Младенец законному храму принесенный от Марии неискусобращныя и Святыя Твоея Матере, и на объятых праведнаго Симеона носимый, Сам Владыко Всесильне, и принесеннаго сего младенца, явится Тебе всех Творцу, благослови и на всякое дело благое, и Тебе благоугодное возрасти, отгоняя от него всякую сопротивную силу знаменiem воображения Креста Твоего. Ты бо еси храний младенцы, Господи: да сподобився святаго крещения, получит часть избранных Царствия Твоего, соблюдаемъ с нами благодатию Святыя и Единосущныя, и Нераздельныя Троицы: Тебе бо подобает всякая слава, благодарение, и поклонение со Безначальным Твоим Отцем, и Пресвятым, и Благим, и Животворящим Твоим Духом, ныне и присно, и во веки веков. Аминь.

Иерей: Мир всем.

Хор: И духови твоему.

Иерей: Главы ваша Господеву приклоните.

Хор: Тебе, Господи.

Молитва

Боже Отче Вседержителю велегласнейшим пророком Исаием предвозвестивый нам, еже от Девы воплощение Единороднаго Твоего Сына и Бога нашего, Иже в последние дни благоволением Твоим и содействием Святаго Духа спасения ради нас человеков, безмерным благоутробием от Ней младенствовать изволивый, и по обычаю в законе святом Твоем, по исполнении дней очищения, святилищу принестися претерпел истинный Законоположник Сый, и на объятых праведнаго Симеона носиться изволи, егоже таинства проображение в предреченном пророце, клещами угля явленное познахом: егоже и мы вернии подражание благодатию держим: Сам и ныне сохраняяй младенцы Господи, благослови отроча сие, вкупе с родители и восприемники его, и сподоби е во время благопотребное и водою и духом отрождения сопричти е святому Твоему стаду словесных овец, нарицающихся именем Христа Твоего, яко Ты еси в вышних живый, и на смиренныя призираяй, и Тебе славу возсылаем, Отцу, и Сыну, и Святому Духу, ныне и присно, и во веки веков. Аминь.

МОЛИТВЫ

ВО ЕЖЕ СОТВОРИТИ ОГЛАШЕННАГО

Иерей: Господу помолимся.

Хор: Господи, помилуй.

Молитва

О имени Твоем, Господи Боже истины, и Единороднаго Твоего Сына, и Святаго Твоего Духа, возлагаю руку мою на раба Твоего, [имя рек], сподобльшагося прибегнути ко святому имени Твоему, и под кровом крил Твоих сохранитися: отстави от него ветхую оную прелесть и исполни его еже в Тя веры, и надежды, и любви, да разумеет, яко Ты еси Един Бог истинный, и Единородный Твой Сын, Господь наш Иисус Христос, и Святыи Твой Дух. Дажь ему во всех заповедех Твоих ходити, и угодная Тебе сохранить: яко аще сотворит сия человек, жив будет в них. Напиши его в книзе жизни Твоея, соедини его стаду наследия Твоего, да прославится имя Твое святое в нем, и возлюбленнаго Твоего Сына, Господа же нашего Иисуса Христа и Животворящаго Твоего Духа. Да будут очи Твои взирающе на него милостию выну, и уши Твои, еже услышати глас моления его. Возвесели его в делах руку его, и во всяком роде его, да исповестся Тебе поклоняясь, и славяи имя Твое великое и вышнее, и восхвалит Тя выну вся дни живота своего.

Возглас: Тя бо поют вся силы Небесныя, и Твоя есть слава Отца, и Сына, и Святаго Духа, ныне и присно, и во веки веков.

Хор: Аминь.

Иерей: Господу помолимся.

Хор: Господи, помилуй.

Запрещение первое

Запрещает тебе, диаволе, Господь, пришедый в мир, и вселивыйся в человецех, да разрушит твоё мучительство, и человеки измет, Иже на Древе сопротивных силы победи, солнцу померкшу, и земли поколебавшейся, и гробом отверзающимся, и телесем святых востающим, Иже разруши смерть и упраздни державу имущаго смерти, съест, тебе диавола. Запрещаю тебе Богом показавшим древо живота,

и устáвившим Херувíмы, и пла́менное ору́жие обраща́ющееся стрещи́ то: запреще́н бу́ди. О́ным у́бо тебе́ запреща́ю, Ходи́вшим я́ко по су́ху на плещу́ морскую́, и Запрети́вшим бу́ри ветро́в; Егóже зрѣние су́шит бѣздны, и прещѣ́ние растаява́ет го́ры; Той бо и ны́не запрещает тебе́ на́ми. Убо́йся, изы́ди, и отступи́ от создáния сего́, и да не возврати́ши, ниже́ утай́ши в нем, ниже́ да сря́щещи егó или́ дѣ́йствуеши, ни в но́щи, ни во дни, или́ в часѣ́, или́ в полудни́, но оты́ди во свой та́ртар, да́же до угото́ваннаго вели́каго Дне Су́днаго. Убо́йся Бо́га сидя́щаго на Херувíмех и призира́ющаго бѣздны, Егóже трепещут А́нгели, Арха́нгели, Престо́ли, Господства́, Нача́ла, Вла́сти, Сíлы, многоочи́тии Херувíми, и шестокрилати́и Серафíми, Егóже трепещут Не́бо и земля́, мо́ре, и вся, я́же в них. Изы́ди и отступи́ от запеча́таннаго новоизбра́ннаго во́ина Христа́ Бо́га на́шего, о́нем бо тебе́ запреща́ю, Ходя́щим на крилу́ вѣтренню́, Творя́щим а́нгелы Сво́я огонь паля́щ. Изы́ди, и отступи́ от создáния сего́ со все́ю сíлою и а́ггелы тво́ими.

Возглас: Я́ко просла́вился и́мя Отца́, и Сы́на, и Свята́го Ду́ха, ны́не и прѣ́сно, и во ве́ки веко́в.

Хор: Ами́нь.

Иерей: Го́споду помо́лимся.

Хор: Го́споди, помилуй.

Запрещение второе

Бог Святы́й стра́шный и сла́вный во всех дѣ́лех и крѣ́пости Сво́ей, непостижи́мый и неизсле́димый Сый, Той предопреде́ливый тебе́, диáволе, вѣчныя му́ки томлѣ́ние, на́ми недостой́ными Егó рабы́ повелева́ет тебе́, и всей споспѣ́шней тво́ей сíле отступи́ти от новозапеча́таннаго и́менем Го́спода на́шего Иису́са Христа́ и́стиннаго Бо́га на́шего, запреща́ю тебе́ у́бо вселука́вому, и нечи́стому, и сквѣ́рному, и омерзѣ́нному, и чужде́му ду́ху, сíлою Иису́са Христа́, всякую вла́сть иму́щаго на Небеси́ и на земли́, ре́кшаго глухо́му и немóму дѣ́мону: изы́ди от челове́ка, и да не ктому́ вни́деши в него́: отступи́, позна́й твою́ су́етную сíлу, ниже́ на свини́ях вла́сть иму́щую, помяни́ повеле́вшаго тебе́ по тво́ему проше́нию во ста́до свиное́ вни́ти. Убо́йся Бо́га, Егóже повеле́нием земля́ на вода́х утверди́ся, созда́вшаго Не́бо, и поста́вльшаго го́ры ста́вилком, и удо́лия ме́рилом, и поло́жшаго песо́к мо́рю преде́л, и в водѣ́ зѣльней

стезю́ твёрдую, прикаса́ющагося горáм, и дымя́тся, одева́ющагося свѣтомъ ꙗ́ко ризою, простѣршаго нѣбо ꙗ́ко ко́жу, покрыва́ющаго вода́ми превы́спрення Своя́, основа́ющаго зѣмлю на утверждѣ́нии ея́, не прекло́нится во векъ вѣка; призыва́ющаго во́ду морскую́, и пролива́ющаго ю́ на лицѣ́ всея́ земли́, изы́ди и отступи́ от ѿ́же ко свято́му Просвѣще́нию гото́вящагося. Запреща́ю тебѣ́ спаси́тельнымъ страда́ниемъ Го́спода на́шего Иису́са Христа́, и честны́м Его́ Тѣломъ и Кро́вию, и пришѣ́ствиемъ Его́ стра́шнымъ: приидѣ́тъ бо и не зако́снитъ, судя́й всея́ земли́, и тебѣ́, и споспѣ́шную твою́ си́лу умучи́тъ в геѣ́нне о́гненной, преда́вый во т́му кромѣ́шную, иде́же червь неусыпа́емый, и огонь неугаси́мый. ꙗ́ко держа́ва Христа́ Бо́га на́шего, со Отце́м и Святы́м Ду́хом, ны́не и прѣ́сно, и во вѣ́ки веко́в.

Хор: Ами́нь.

Иерей: Го́споду помо́лимся.

Хор: Го́споди, поми́луй.

Запрещение третье

Го́споди Савао́ф, Бо́же Изра́илев, исцеля́й вся́кий недѹ́тъ, и вся́кую ꙗ́зю, при́зри на раба́ Твоего́, взыщи́, испыту́й, и отжени́ от него́ вся дѣ́йства дѣ́аволя. Запрети́ нечи́стымъ духо́м, и изжени́ я, и очисти́ дела́ руку́ Твоею́, и о́строе Твое́ употребле́вый дѣ́йство, сокруши́ сатану́ под но́зе его́ вско́ре, и даждь ему́ побѣ́ды на него́, и на нечи́стыя его́ ду́хи, ꙗ́ко да от Тебе́ ми́лость получи́въ, сподо́бится безсме́ртных Твои́х Та́ин, и сла́ву Тебе́ возслѣ́тъ, Отцу́, и Сы́ну, и Свято́му Ду́ху, ны́не и прѣ́сно, и во вѣ́ки веко́в.

Хор: Ами́нь.

Иерей: Го́споду помо́лимся.

Хор: Го́споди, поми́луй.

Молитва четвертая

Сый Влады́ко Го́споди, сотвори́вый челове́ка по о́бразу Твоему́ и по подо́бию, и да́вый ему́ вла́сть жи́зни вѣ́чныя, та́же отпа́дша грехо́м не презре́вый, но устро́ивый вочелове́чениемъ Христа́ Твоего́ спасѣ́ние ми́ра: Сам и создáние Твое́ сие́ избáвль от рабóты вра́жия, приими́ в Цáрство Твое́ Пренебѣ́сное:

отвѣрзи егѡ ѡчи мысленныя, во еже озарѣти в нем просвещенію Евангелія Твоегѡ, сопрязи животу егѡ Ангела свѣтла, избавляюща егѡ от всякаго навѣта сопротиволежащаго, от срѣтениа лукаваго, от дѣмона полуденнаго, и от мечтаній лукавыхъ.

И дует священник на уста его, на чело, и на перси, глаголя:

Изженіи из негѡ всякаго лукаваго и нечистаго дѹха, сокрытаго и гнездѣющагося въ сѣрдце егѡ. (и глаголет сие трижды)

Дѹха прѣлести, дѹха лукавства, дѹха идолослуженія, и всякаго лихоймства, дѹха лжи и всякія нечистоты, дѣйствуемые по наученію диаволу; и сотвори егѡ овчѡ словесное святагѡ стада Христа Твоегѡ, уд чѣстен Цѣркве Твоеѡ, сына и наслѣдника Цѣрствія Твоегѡ; да по заповѣдем Твоимъ жителствовав, и сохранивъ печѣть нерушимую, и соблюди ризу нескверную, получитъ блаженства святыхъ во Цѣрствіи Твоемъ.

Возгласно: Благодаіию и щедрѡтами, и человеколѹбіемъ Единороднаго Сына Твоегѡ, съ Нимже благословѣнъ еси съ Пресвятымъ, и Благимъ, и Животворящимъ Твоимъ Дѹхомъ, ныне и присно, и во вѣки вѣковъ.

Хор: Аминь.

И совлечену и отрешену крещаемому, обращает его священник на запад, горе руце имуща, и глаголет:

Отрицаеши ли ся сатаны, и всех дел егѡ, и всех аггел егѡ, и всего служенія егѡ, и всеѡ гордыни егѡ?

И отвѣщает оглашенный или восприемник его, или отроча, и глаголет:

Отрицаюся.

Паки священник глаголет второе:

Отрицаеши ли ся сатаны, и всех дел егѡ, и всех аггел егѡ, и всего служенія егѡ, и всеѡ гордыни егѡ?

И отвѣщает:

Отрицаюся.

Паки глаголет священник третье:

Отрицаеши ли ся сатаны, и всех дел егѡ, и всех аггел егѡ, и всего служенія егѡ, и всеѡ гордыни егѡ?

И отвѣщает:

Отрицаюся.

Вопрошает паки священник крещаемого:

Отрёклся ли еси сатаны?

И отвечает оглашенный или восприемник его, и глаголет:

Отрекóхся.

Паки вопрошает священник:

Отрёклся ли еси сатаны?

И отвечает:

Отрекóхся.

Паки вопрошает священник третье:

Отрёклся ли еси сатаны?

И отвечает:

Отрекóхся.

Таже глаголет священник:

И дýни, и плюни на него́.

*И сие сотворшу, обращает его священник к востоку, доле руке
имуща, и глаголет ему священник:*

Сочетава́еши ли ся Христу́?

И отвечает оглашенный или восприемник его, и глаголет:

Сочетава́юся.

Паки священник глаголет второе:

Сочетава́еши ли ся Христу́?

Отвещает второе:

Сочетава́юся.

Паки священник глаголет третье:

Сочетава́еши ли ся Христу́?

Отвещает третье:

Сочетава́юся.

Таже паки глаголет ему священник:

Сочета́лся ли еси Христу́?

И отвечает:

Сочета́хся.

И паки глаголет:

И ве́руеши ли Ему́?

И глаголет:

Вѣрую Емѹ, ꙗко Царю и Бѹгу.

Символ веры:

**Вѣрую во Единаго Бога Отца Вседержителя,
Творца небу и земли, видимым же всем и невидимым./
И во Единаго Господа Иисуса Христа Сына Божия,
Единороднаго Иже от Отца рожденнаго прежде всех
век./ Света от Света, Бога истинна от Бога истинна,
рожденна, не сотворенна, единосущна Отцу, Имже вся
быша./ Нас ради человек, и нашего ради спасения
сшедшаго с Небес,/ и воплотившагося от Духа Свята и
Марии Девы, и вочеловечшася:/ Распятаго же за ны
при Понтийстем Пилате,/ и страдавша и погребенна: И
воскресшаго в третий день по писанием:/ И возшедшаго
на Небеса и сидяща одесную Отца:/ И паки грядущаго
со славою судити живым и мертвым, Егоже Царствию
не будет конца./ И в Духа Святаго, Господа, Живо-
творящаго, Иже от Отца исходящаго,/ Иже со Отцем и
Сыном спокланяема и сславима глаголавшаго
пророки./ Во едину святую соборную и апостольскую
Церковь./ Исповедую едино Крещение, во оставление
грехов./ Чаю воскресения мертвых:/ и жизни будущего
века. Аминь.**

Таже паки глаголет ему священник:

Сочетался ли еси Христу?

И отвечает:

Сочетался.

Паки вопрошает священник второе:

Сочетался ли еси Христу?

И отвечает второе:

Сочетался.

Паки вопрошает священник третье:

Сочетался ли еси Христу?

И отвѣщаетъ третье:

Сочета́хся.

И глаголетъ священникъ:

И поклоні́ся Ему́.

И поклоняется, глаголя:

**Покланя́юся Отцу́, и Сы́ну, и Свято́му Ду́ху, Тро́ице
Единосу́щней и Неразде́льной.**

Таже глаголетъ священникъ:

**Благослове́н Бог, всемъ челове́комъ хотя́й спасти́ся, и в
позна́ніе істины прии́ти, ны́не и прі́сно, и во ве́ки веко́в. Ами́нь.**

Иерей: Го́споду помо́лимся.

Хор: Го́споди, поми́луй.

Молитва

**Влады́ко Го́споди Бо́же наш, призови́ раба́ Твоего́, [имя
рек], ко свято́му Твоему́ Просвеще́нію, и сподо́би его́ вели́кія
сея́ благода́ти, свята́го Твоего́ Креще́нія: отреші́ его́ вѣтхость,
и обнови́ его́ в живо́т вѣчный, и испо́лни его́ Свята́го Твоего́ Ду́ха
си́лы, в соедине́ние Христа́ Твоего́, да не ктому́ ча́до те́ла бу́дет,
но ча́до Твоего́ Ца́рствія, благоволе́нием и благода́тію
Единоро́днаго Твоего́ Сы́на, с Нимже благослове́н еси́ со
Пресвяты́м, и Благі́м, и Животворя́щим Твои́м Ду́хом, ны́не и
прі́сно, и во ве́ки веко́в.**

Хор: Ами́нь.

ПОСЛЕДОВАНИЕ СВЯТАГО КРЕЩЕНИЯ

Диакон: Благослові, владыко.

Иерей же велегласно: Благословено Царство Отца, и Сына, и Святаго Духа ныне и присно, и во веки веков.

Хор: Аминь.

Диакон же абие глаглет ектению:

Миром Господу помолимся.

Хор: Господи, помилуй. (на каждое прошение)

О свѣшнем міре и о спасеніи душ наших, Господу помолимся.

О міре всего міра, благостоянии Святыхъ Божіихъ Церквей, и соединеніи всех, Господу помолимся.

О святѣмъ храмѣ сем, и с вѣрою, благоговѣніем, и страхомъ Божіимъ входящихъ в онъ, Господу помолимся.

О Великомъ Господинѣ и Отцѣ нашемъ Святѣйшемъ Патриарсе Кириллѣ, честнѣмъ пресвѣтерствѣ, во Христѣ діаконствѣ, о всемъ причтѣ и людехъ, Господу помолимся.

О Богохранимѣй странѣ нашей, властѣхъ и воинствѣ ея, Господу помолимся.

О еже освятитися водѣ сей, сілою и дѣйствомъ, и найтиемъ Святаго Духа, Господу помолимся.

О еже низпослѣтися ей благодати избавленія, благословенію Иорданову, Господу помолимся.

О еже приити на воду сию чистительному пресущественныя Троицы дѣйству, Господу помолимся.

О еже просветитися намъ просвещеніемъ разума и благочестія, найтиемъ Святаго Духа, Господу помолимся.

О еже показѣтися ей отгнанію всякаго навета видимыхъ и невидимыхъ враговъ, Господу помолимся.

О еже достойну быти нетлѣннаго Царствія в ней крещаемому, Господу помолимся.

О еже ныне приходящемъ ко святому Просвещенію, и о спасеніи его, Господу помолимся.

О́ еже показáтися е́му сы́ну Свѣта, и наслѣ́днику вѣ́чных благ, Го́споду помóлимся.

О́ еже бы́ти е́му срáслену и причáстнику смѣ́рти и воскресѣ́ния Христá Бо́га нáшего, Го́споду помóлимся.

О́ еже сохрани́ти е́му одѣ́жду Крещѣ́ния и обручѣ́ние Дúха несквѣ́рно и непорóчно, в День Стра́шный Христá Бо́га нáшего, Го́споду помóлимся.

О́ еже бы́ти е́му водѣ́ сей бáнею пакибы́тíя, оставлѣ́нию грехóв и одѣ́жди нетлѣ́ния, Го́споду помóлимся.

О́ еже услы́шати Го́споду Бо́гу глас молѣ́ния нáшего, Го́споду помóлимся.

О́ еже избáвиться е́му́же и нам от всѣ́я скóрби, гнѣ́ва и нúжды, Го́споду помóлимся.

Заступи́, спаси́, помилуй и сохрани́ нас, Бо́же, Твоѣ́ю благодáтию.

Пресвяту́ю, Пречи́стую, Преблагословѣ́нную, Сла́вную Влады́чицу нáшу Богороди́цу и Присноде́ву Мари́ю, со все́ми святы́ми помяну́вше, са́ми себѣ́, и друг дру́га, и весь живóт наш Христú́ Бо́гу преда́дим.

Хор: Тебѣ́, Го́споди.

И диакону глаголющу сия, священник глаголет в себе молитву сию:

Благоутрóбный и Милостивый Бо́же, истязу́й сердца́ и утрóбы, и та́йная челове́ческая ве́дый е́дин, не бо есть вещь неявлѣ́нна пред Тобо́ю, но вся на́га и обнаже́нна пред очíма Твои́ма: ве́дый я́же о́ мне, да не омерзи́ши мя, ниже́ лица́ Твоего́ отврати́ши от мене́, но прѣ́зри моя́ прегрѣ́шения в час сей, презира́й челове́ков грехи́ в покая́ние, и омы́й мою́ сквѣ́рну телѣ́сную и сквѣ́рну душѣ́вную, и всего́ мя освяти́ всесоверше́нною си́лою Твоѣ́ю невидимо́ю, и десни́цею духо́вною: да не свободу́ ины́м возвещáй, и сию́ подава́яй ве́рою соверше́нною, Твоего́ неизрече́ннаго человеколю́бия Сам, я́ко раб греха́, неиску́сен бúду. Ни, Влады́ко, е́дине благи́й и человеколю́бивый, да не возвращу́ся смире́н, но низпосли́ мне си́лу с высоты́, и укрепи́ мя к слúжбе предше́щаго Твоего́ та́инства, вели́каго и пренебѣ́снаго, и вообрази́ Христá Твоего́ в хотя́щем па́ки роди́тися, мо́им ока́янством, и назидáй его́ на основáнии апóстол и проро́к

Твоих, и да не низложиши, но насади егó насаждение истины во святѣй Твоей собóрней и апóстольстей Цérкви, и да не востóргнеши: я́ко да преуспева́юще ему́ во благоче́стии, сла́вится и тем всесвято́е и́мя Твое́, Отца́, и Сы́на, и Свята́го Ду́ха, ны́не и прѣсно, и во ве́ки веко́в. Ами́нь.

(Подобает ведати, яко не возглашает, но «Аминь» в себе глаголет)

Таже глаголет молитву сию велегласно:

Вéлий еси́, Го́споди, и чу́дна дела́ Твоя́, и ни еди́но же сло́во дово́льно бу́дет к пѣнию чудес Твои́х. (Трижды)

Ты бо хотѣнием от не сущих во е́же бы́ти приве́дый вся́ческая, Твоею держа́вою содержиши тварь, и Твои́м про́мыслом строи́ши мир: Ты от четы́рех стихи́й тварь сочи́нйый, четы́рьми времены́ круг лѣта венча́л еси́. Тебе́ трепещут у́мныя вся си́лы, Тебе́ поёт со́лнце, Тебе́ сла́вит луна́, Тебе́ прису́тствуют звѣзды, Тебе́ слу́шает свет, Тебе́ трепещут бѣзды, Тебе́ рабо́тают исто́чницы. Ты простѣрл еси́ не́бо я́ко ко́жу, Ты утверди́л еси́ зѣмлю на вода́х, Ты огради́л еси́ мо́ре песко́м, Ты ко отды́ханием возду́х проли́ял еси́. А́нгельския си́лы Тебе́ служа́т, арха́нгельстии ли́цы Тебе́ кла́няются, многоочи́тии Херуви́ми и шестокри́латии Серафи́ми о́крест стоя́ще и облета́юще, стра́хом непристу́пныя сла́вы Твоея́ покрыва́ются. Ты бо Бог Сый неопи́санный, безнача́льный же и неизгла́голаный, пришѣл еси́ на зѣмлю, зрак раба́ при́йм, в подо́бии челове́честем быв: не бо терпѣл еси́, Влады́ко, милосѣ́рдия ра́ди ми́лости Твоея́, зрѣти от диа́вола му́чима ро́да челове́ча, но пришѣл еси́ и спасл еси́ нас. Испове́дуем благода́ть, пропове́дуем ми́лость, не та́им благоде́яния: естества́ на́шего ро́ды свободи́л еси́, дѣвственную освяти́л еси́ утробу Рождество́м Твои́м. Вся тварь воспева́ет Тя я́вльшагося: Ты бо Бог наш на земли́ яви́лся еси́, и с челове́ки пожи́л еси́. Ты Иорда́нския струи́ освяти́л еси́, с Небесе́ низпосла́вый Свята́го Твоего́ Ду́ха, и главы́ та́мо гнездя́щихся сокруши́л еси́ зми́ев.

Ты у́бо Человеколю́бче Царю́, прииди́ и ны́не най́тием Свята́го Твоего́ Ду́ха и освяти́ во́ду сию́. (Трижды)

И даждь ей благода́ть избавле́ния, благослове́ние Иорда́ново, сотвори́ ю нетле́ния исто́чник, освяще́ния дар,

грехов разрешение, недугов исцеление, демонов всегубительство, сопротивным силам неприступно, ангельския крепости исполнену. Да бежат от нея наветующии созданию Твоему, яко имя Твое, Господи, призвах, дивное и славное, и страшное сопротивным.

И знаменует воду трижды, погружая персты в воде, и дунув на ню, глаголет:

Да сокрушатся под знаменем образа Креста Твоего вся сопротивныя силы. (Трижды)

Молимся Тебе, Господи, да отступят от нас вся воздушная и неявленная привидения, и да не утаятся в воде сей демон темный, ниже да снідет с крещающимся дух лукавый, помрачение помыслов, и мятѣж мысли наводѣй: но Ты, Владыко всех, покажи воду сию, воду избавления, воду освящения, очищение плоти и духа, ослабу уз, оставление прегрешений, просвещение душ, баню пакибытия, обновление духа, сыноположения дарование, одеяние нетления, источник жизни. Ты бо рекл еси, Господи: измыйтеся, и чисти будете, отымите лукавства от душ ваших. Ты даровал еси нам свыше паки рождение водою и Духом. Явися, Господи, на воде сей, и даждь претворитися в ней крещаемому, во еже отложити убо ветхаго человека, тлеемаго по похотем прелести, облещися же в новаго, обновляемаго по образу Создавшего его: да быв срашен подобию смерти Твоея крещением, общник и воскресения будет, и сохранив дар Святаго Твоего Духа, и возрадив залог благодати, примет почестъ горняго звания, и сопричтѣтся перворожденным написанным на Небеси, в Тебе Бозе и Господе нашем Иисусе Христе. Яко Тебе подобает слава, держава, честь и поклонение вкупе со Безначальным Твоим Отцем, и со Пресвятым и Благим, и Животворящим Твоим Духом, ныне и присно, и во веки веков.

Хор: Аминь.

Иерей: Мир всем.

Хор: И духови твоему.

Иерей: Главѣ ваша Господеви приклоните.

Хор: Тебе, Господи.

И вдунет трижды в сосуд елея, и знаменует трижды сей, держимый от диакона.

Иерей: Гóсподу помóлимся.

Хор: Гóсподи, помíлуй.

Молитва

Влады́ко Гóсподи Бóже о́тец на́ших, сýщим в ковчéзе Но́еве голу́бцу послáвый, сучéц ма́сличный имúщую во устéх примирéния знáмение, спасéния же от потóпа, и благодáти та́инство о́ными предобразíвый, и ма́сличный плод, во исполнéние святы́х Твои́х Та́ин пода́вый. Тем и бýвших в за́коне Дúха Свята́го испóлнивый, и сýщих в благодáти совершáяй, Сам благословí и сей елéй, сýлою и дéйством и на́йтием Свята́го Твоегó Дúха, я́коже бýти томú пома́занию нетлéния, ору́жию прáвды, обновлéнию ду́ш и тéла, вся́каго диáвольскаго дéйства отгна́нию, во изменéние всех зол, помазúющимся вéрою, илí вкушáющим от негó в сла́ву Твою́, и Единорóднаго Твоегó Сы́на, и Пресвята́го, и Благáго, и Животворя́щаго Твоегó Дúха, ны́не и прíсно, и во вéки веко́в.

Хор: Ами́нь.

Диакон: Вóнмем.

Священник, поя Аллилу́ия: трижды с людьми, творит кресты три елеем в воде.

Таже возглашает: Благословéн Бог, просвещáяй и освящáяй вся́каго челове́ка, грядúщаго в мир, ны́не и прíсно, и во вéки веко́в.

Хор: Ами́нь.

И приносится крещаемый. Священник же возьмет от елея двумя персты, и творит креста образ, на челе и персех, и на междорамии, глаголя:

Помазúется раб Бóжий [имя рек], елéем ра́дования, во íмя Отца́, и Сы́на, и Свята́го Дúха, ами́нь.

И назнаменует его перси и междорамия.

На персех убо глаголя: Во исцелéние ду́ш и тéла.

На ушесех же: В слы́шание вéры.

На руках: Ру́це Твои́ сотвори́сте мя, и созда́сте мя.

На ногах: Во́ еже ходи́ти ему́ по стопáм за́поведей Твои́х.

И егда помажет все тело, крещает его священник, проста его держа, и зряща на восток, глаголя:

Крещается раб Бóжий, [имя рек], во́ имя Отца́, ами́нь. И Сы́на, ами́нь. И Свята́го Ду́ха, ами́нь.

На коемждо приглашении низводя его, и возводя.

По крещении же облачает его во одеяния, глаголя:

Облача́ется раб Бóжий [имя рек] в ри́зу пра́вды, во́ имя Отца́, и Сы́на, и Свята́го Ду́ха, ами́нь.

**И поется тропарь во глас 8:*

Ри́зу мне пода́ждь свѣ́тлу,/ оде́йся свѣ́том ꙗ́ко ри́зою,// Многоми́лостиве Христѣ́ Боже наш.

Псалом 31:

Блаже́ни, ихже оста́вишася беззакóния,/ и ихже прикрýшася греси́./ Блаже́н муж, ему́же не вменит Господь грехá,/ ниже́ есть во устѣх его́ лести́./ ꙗ́ко умолча́х, обетша́ша ко́сти моя́,/ от еже зва́ти ми весь день./ ꙗ́ко день и но́щь отяго́те на мне рука́ Твоя́,/ возврати́хся на страсть, егда́ унзе́ ми терн./ Беззакóние моё позна́х,/ и грехá моего́ не покрýх./ Рех: испове́м на мя беззакóние моё Го́сподеви,/ и Ты оста́вил еси́ нече́стие се́рдца моего́./ За то помóлится к Тебе́ всяк преподо́бный/ во вре́мя благопотре́бно:/ о́баче в пото́пе вод мно́гих/ к нему́ не прибли́жатся./ Ты еси́ прибе́жище моё от ско́рби обдержа́ция мя:/ ра́досте моя́, изба́ви мя от обыше́дших мя./ Вразумлю́ тя, и наста́влю тя на путь сей,/ во́ньже пойдѣши, утвержу́ на тя о́чи мои́./ Не бу́дите ꙗ́ко конь и меск,/ имже несть ра́зума:/ брозда́ми и уздо́ю че́люсти их востя́гнеши,/ не приближа́ющихся

* Согласно последованию крещения в Требнике сначала поётся 31-й псалом, а затем тропарь «Ризу мне подаждь светлу...». Однако на практике лучше эти песнопения поминать местами, чтобы поемое хором по содержанию совпадало с происходящим в храме.

к тебе./ Мно́ги ра́ны грéшному,/ упова́ющаго же на Го́спода мѣлость обы́дет./ Веселѣ́тся о Го́споде,/ и ра́дуйтесь пра́веднии,// и хвалѣ́тся вси пра́вии се́рдцем.

И по еже облещи его молится священник, глаголя молитву сию:

Благословѣ́н еси́ Го́споди Бо́же Вседержи́телю, Исто́чнице благи́х, Со́лнце Пра́вды, возсия́вый сущим во тьме Свет спасѣ́ния, явлѣ́нием Единоро́днаго Твоего́ Сы́на и Бо́га на́шего, и дарова́вый нам недосто́йным блаже́нное очище́ние во святе́й водѣ, и Божѣ́ственное освяще́ние в животворя́щем пома́зании, И́же и ны́не благово́ливый па́ки роди́ти раба́ Твоего́ новопросвещѣ́ннаго водо́ю и Ду́хом, и во́льных и нево́льных грехо́в оставле́ние тому́ дарова́вый. Сам Влады́ко, Всецарю́ Благоутро́бне, да́руй тому́ и печа́ть да́ра, Свята́го и Всеси́льнаго, и покланя́емаго Твоего́ Ду́ха, и причаще́ние Свята́го Те́ла, и Честны́я Кро́ве Христа́ Твоего́. Сохрани́ его́ в Твое́м освяще́нии, утверди́ в правосла́вной ве́ре, изба́ви от лука́ваго, и всех начинáний его́, и спаси́тельным Твои́м стра́хом в чистоте́ и пра́вде ду́шу его́ соблюди́: да во вся́ком де́ле и сло́ве благоугожда́й Тебе́, сын и насле́дник бу́дет Небе́снаго Твоего́ Ца́рствия.

Возгласно: Я́ко Ты еси́ Бог наш, Бог е́же мѣловати и спаса́ти, и Тебе́ сла́ву возсыла́ем, Отцу́, и Сы́ну, и Свято́му Ду́ху, ны́не и при́сно, и во ве́ки веко́в.

Хор: Ами́нь.

И по молитве помазует крестившагося святым миром, творя креста образ: на челе, и очесех, и ноздрех, и устех, и обоих ушесех, и персех, и руках, и ногах, и глаголя: Печа́ть да́ра Ду́ха Свята́го. Ами́нь.

Таже творит священник с восприемником и младенцем круга образ.

И поем: Ели́цы во Христа́ крестѣ́стеся, во Христа́ облеко́стеся, аллилу́иа. (трижды)

*Таже прокимен, глас 3: Господь Просвещение мое,/
и Спаситель мой, кого убоюсь?*

*Стих: Господь Защититель живота моего, от кого
устрашуся?*

Диакон: Премудрость.

*Чтец: К римлянном послания святого апостола Павла
чтение.*

Диакон: Вонмем.

Апостол к римлянном, зачало 91:

Братие, елицы во Христа Иисуса крестихомся, в смерть Его крестихомся. Спогребохомся убо Ему крещением в смерть: да якоже воста Христос от мертвых славою Отчею, тако и мы во обновлении жизни ходити начнем. Аще бо сообразни быхом подобию смерти Его, то и воскресению будем. Сие ведяще, яко ветхий наш человек с Ним распяты, да упразднится тело греховное, яко кому не работати нам греху. Умерый бо оправдися от греха. Аще ли умрохом со Христом, веруем, яко и живи будем с Ним. Ведяще, яко Христос воста от мертвых, кому уже не умирает, смерть ему кому не обладает. Еже бо умре, греху умре единою, а еже живёт, Богу живёт. Такоже и вы помышляйте себе мертвым убо быти греху, живым же Богу, о Христе Иисусе Господе нашем.

Иерей: Мир ти.

Чтец: И духови твоему.

*Посем диакон: Премудрость, прости услышим святого
Евангелия.*

Иерей: Мир всем.

Хор: И духови твоему.

Иерей: От Матфея святого Евангелия чтение.

Хор: Слава Тебе, Господи, слава Тебе.

Диакон: Вонмем.

Евангелие от Матфея, зачало 178:

Во время оно, едининадесять ученицы идоша в Галилею в гору, а може повеле им Иисус. И видевше Его, поклонишася

Емѹ: ѡви же усумнѣшася. И пристѹплѹ Иисѹс речѣ им, глаголя: дадѣся Ми всяка вла́сть на Небесѹ и на земли́. Шѣдше научите вся язы́ки, крестя́ще их во ѿмя Отца́, и Сы́на, и Свята́го Дѹха: уча́ще их блюсти́ вся, елика заповѣдах вам, и се Аз с ва́ми есмь во вся дни, до сконча́нїя вѣка, ами́нь.

Хор: Сла́ва Тебе́, Го́споди, сла́ва Тебе́.

Таже диакон ектению:

Помѣлуй нас, Бо́же, по вели́цей мѣлости Твое́й, мо́лим Ти ся, услы́ши и помѣлуй.

*Хор: Го́споди, помѣлуй. (Трижды, на каждое проше-
ние)*

Еще́ мо́лимся о вели́ком господѣне и отцѣ на́шем, святе́йшем патриа́рхе Моско́вском и всея́ Руси Кири́лле.

Еще́ мо́лимся о богохрани́мей странѣ на́шей, властѣх и во́инстве ея́.

Еще́ мо́лимся о мѣлости, жи́зни, ми́ре, здра́вии, спасѣнии и оставлѣнии грехо́в раба́ Бо́жия [имя рек] восприѣмника.

Еще́ мо́лимся о новопросвѣщенном рабѣ́ Бо́жии [имя рек] о ѣже сохранѣну бы́ти емѹ в вѣре чи́стаго исповѣда́нїя, во вся́ком благоче́стїи же и исполнѣнии за́поведей Христо́вых, во вся дни живота́ его́.

Иерей: Я́ко мѣлостив и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Дѹху, ны́не и прѣсно, и во вѣки веко́в.

Хор: Ами́нь.

Иерей: Го́споду помѣлимся.

Хор: Го́споди, помѣлуй.

Молитва

Избавлѣние грехо́в святы́м Крещѣнием рабу́ Твоемѹ дарова́вый, и жизнь па́ки рождѣнїя емѹ пода́вый, Сам, Влады́ко Го́споди, просвѣщенїе лица́ Твоего́ в се́рдце его́ озаря́ти вы́ну благоволи́, щит вѣры его́ не наветован от враго́в соблюди́, нетлѣнїя оде́жду, ёюже оде́яся, нескверну в нем и небла́знену сохрани́, нерушѣму в нем духо́вную печать́ благода́тию Твое́ю

соблюда́я, ми́лостив ему́же и нам быва́я, по мно́жеству щедро́т Твоих. Я́ко благослови́ся, и просла́вися, пречестно́е и великоле́пое и́мя Твое́, Отца́, и Сы́на, и Свята́го Ду́ха, ны́не и прі́сно, и во ве́ки веко́в.

Хор: Ами́нь.

Иерей: Го́споду помо́лимся.

Хор: Го́споди, поми́луй.

Молитва вторая

Влады́ко Го́споди Бо́же наш, купе́лию небе́сное осия́ние креща́емым подава́яй, па́ки роди́вый раба́ Твоего́ ново-просвеще́ннаго водо́ю и Ду́хом, и во́льных и нево́льных грехо́в оставле́ние тому́ дарова́вый, возложи́ на него́ ру́ку Твою́ держа́вную, и сохрани́ его́ в си́ле Твоея́ бла́гости, некрадо́мо обруче́ние сохрани́, и сподо́би его́ в жизнь ве́чную и в Твое́ благоугожде́ние.

Я́ко Ты еси́ освяще́ние на́ше, и Тебе́ сла́ву возсыла́ем, Отцу́, и Сы́ну, и Свято́му Ду́ху, ны́не и прі́сно и во ве́ки веко́в.

Хор: Ами́нь.

Иерей: Мир всем.

Хор: И ду́хови твоему́.

Иерей: Главы́ ва́ша Го́сподеви приклоні́те.

Хор: Тебе́, Го́споди.

Молитва

Оде́явыйся в Тя Христа́ и Бо́га на́шего, Тебе́ подклони́ с на́ми свою́ главу́, е́гоже сохрани́ непобеди́ма подви́жника пребы́ти на всу́е вражду́ нося́щих на него́ и на ны, Твои́м же нетле́нным венце́м да́же до конца́ победи́тели вся покажи́.

Я́ко Твое́ есть, е́же ми́ловати и спаса́ти, и Тебе́ сла́ву возсыла́ем со Безнача́льным Твои́м Отце́м, и Пресвяты́м, и Благі́м, и Животворя́щим Твои́м Ду́хом, ны́не и прі́сно, и во ве́ки веко́в.

Хор: Ами́нь.

И разрешает пояс отрочате, и пелены, и соединив края их, омочает водою чистою я, и кропит отроча, глаголя:

Оправд́ался еси́. Просвети́лся еси́. Освяти́лся еси́. Омы́лся еси́ и́менем Го́спода на́шего Иису́са Христа́, и Ду́хом Бо́га на́шего.

И возьм губу новую напоенную водою, оттирает лице его со главою, и перси. И прочая, глаголя:

Крести́лся еси́. Просвети́лся еси́. Миропомáзался еси́. Освяти́лся еси́. Омы́лся еси́ во и́мя Отца́, и Сы́на, и Свята́го Ду́ха, ами́нь.

Иерей: Го́споду помо́лимся.

Хор: Го́споди, поми́луй.

Молитва на пострижение волос

Влады́ко Го́споди Бо́же наш, Иже о́бразом Твои́м почи́вый челове́ка, от души́ словесны́я и те́ла благоле́пнаго устрои́вый его́, я́ко да те́ло служит словесно́й души́: главу́ у́бо на высоча́йших положи́вый, и в ней множа́йшия чу́вств водрузи́вый, незапина́ющия друг дру́гу: власы́ же главу́ покры́л еси́, во е́же не врежда́тися преложе́ньми возду́шными, и вся у́ды его́ потребо́но насади́вый, да все́ми благодарит́ Тя, изряднохудо́жника. Сам, Влады́ко, сосúдом избра́ния Твоего́ Па́влом апо́столом запове́давый нам, вся в сла́ву Твою́ твори́ти, прише́дшаго раба́ Твоего́ [и́мя рек], нача́ток сотвори́ти стри́щи власы́ главы́ свое́я, благослови́ вку́пе с его́ восприе́мником, и даждь им всем поуча́тися в за́коне Твое́м, и благоу́годная Тебе́ де́яти.

Я́ко Ми́лостив и Человеколю́бец Бог еси́, и Тебе́ сла́ву возсыла́ем Отцу́, и Сы́ну, и Свято́му Ду́ху, ны́не и при́сно, и во ве́ки веко́в.

Хор: Ами́нь.

Иерей: Мир всем.

Хор: И ду́хови тво́ему.

Иерей: Главы́ ва́ша Го́сподеви приклоните́.

Хор: Тебе́, Го́споди.

Священник же глаголет молитву сию:

**Господи Боже наш, от исполнения купельнаго Твоею бла-
гостию освятивый в Тя верующия, благослови настоящаго
младенца, и на главу его благословение Твое да снидет, и якоже
благословил еси пророком Самуилом Давида царя, благослови
и главу раба Твоего, [имя рек], рукою мене грешнаго, приходя
ему Духом Твоим Святым, яко да преспевай в возрастом, и седи-
нами старости, славу Тебе возслет, и увидит благая Иерусали-
мова вся дни живота своего.**

**Яко подобает Тебе всякая слава, честь и поклонение, Отцу,
и Сыну, и Святому Духу, ныне и присно, и во веки веков.**

Хор: Аминь.

И постригает его крестовидно, глаголя:

**Постригается раб Божий [имя рек] во имя Отца, и Сына, и
Святаго Духа.**

Хор: Аминь.

*Таже прием священник отроча, начертавает крест им пред
враты храма, глаголя:*

**Воцерковляется раб Божий, [имя рек] во имя Отца, и Сына,
и Святаго Духа, аминь.**

Таже вводит е во храм, глаголя:

Внидет в дом Твой, поклонится ко храму святому Твоему.

И входит посреде храма, глаголя:

**Воцерковляется раб Божий [имя рек] во имя Отца, и Сына,
и Святаго Духа, аминь.**

Таже глаголет: Посреде церкви воспоет Тя.

Таже вводит пред дверьми жертвенника, глаголя:

**Воцерковляется раб Божий [имя рек] во имя Отца, и Сына,
и Святаго Духа, аминь.**

И вводит е во святыи жертвенник, глаголя.

*И по сих полагает е при дверех жертвенника, и тако воспри-
емник поклонився трижды, возьмет е, и исходит.*

Хор: Ны́не отпу́щаеши раба́ Твоего́, Влады́ко,/ по глаго́лу Твоему́, с ми́ром,/ я́ко ви́деста о́чи мой спасе́ние Твое́,/ е́же еси́ угото́вал пред лице́м всех люде́й/ свет во открове́ние язы́ков// и сла́ву люде́й Твои́х, Изра́иля.

Таже диакон ектению:

Помілуй нас, Бо́же, по вели́цей ми́лости Твое́й, мо́лим Ти ся, услы́ши и помілуй.

Хор: Го́споди, помілуй. *(Трижды, на каждое прошение)*

Еще́ мо́лимся о ми́лости, жи́зни, ми́ре, здра́вии, спасе́нии и оставле́нии грехо́в раба́ Бо́жия, [имя рек] восприе́мника и ново-просвещеннаго [имя рек].

Иерей: Я́ко ми́лостив и Чело́веколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и при́сно, и во ве́ки веко́в.

Хор: Ами́нь.

Иерей: Прему́дрость. Пресвята́я Богоро́дице, спаси́ нас.

Хор: Честне́йшую Херуві́м и сла́внейшую без сравне́ния Серафі́м,/ без ислéния Бо́га Сло́ва ро́ждшую, су́щую Богоро́дицу Тя велича́ем.

Иерей: Сла́ва Тебе́, Христé Бо́же, упова́ние на́ше, сла́ва Тебе́.

Хор: Сла́ва, и ны́не: Го́споди помілуй, Го́споди, помілуй, Го́споди, помілуй. Благослови́.

И священник творит отпуст.

Хор: Го́споди, помілуй. *(трижды)*